

制

義

叢

話

制義叢話卷之二十四

福州梁章鉅撰

陳壽朋

登龍

秋坪隨筆云侯官趙二今

晉

能文而狂里居日嘗結

知名士十人爲文社余宗丞

正健

者名與趙埒而趙心輕之每集

課得題趙輒預成一篇將稿封歷硯匣之下曰此余某文也及夜

余文出乃拆稿相質竟卽出一手司人皆異之余不之較是科鄉

試社中人十雋其九而余爲解首趙乃爲之屈然氣不能平也及

會試又以榜次稍低與同列哄爭事聞於

朝乃集一榜人於

殿廷覆試題爲伯夷隘三字趙欲以傑作壓耶流輩研思殫慮至

過午不能成一字遙望見方望溪先生亦正露旁皇之狀呼語之

曰君亦爲此題所窘乎方答曰我思以天地二義迫出隘字而措

語輒不愜奈何趙聞言頓悟遂提筆一揮而就其中二比有云甲

子以前有天甲子以後無天謂天蓋高不敢不踟首陽以內有地
首陽以外無地謂地蓋厚不敢不踏後竟以此數語冠其軍聞閱
卷者爲韓慕廬先生云 按二今制義今不概見余曾覓得趙榜
眼真稿殘本體多纖仄未足以副其名也

孟瓶菴師曰余按試四川時一日以伯夷隘命題有一卷云隘莫
隘於棄君臣之義故君旣所弗事不妨居北海之濱新主豈真不
仁何又作西山之隱則高天厚地幾無以自容隘又莫隘於絕兄
弟之倫中子旣已承祧何以不還奏壘篋之雅弱弟早借出遊何
以不同甘薇蕨以終則父命天倫亦兩無可據余闕其卷而詩之
乃提作者究其說則對曰春秋時人皆相傳夷齊借隱首陽至戰
國時乃知只伯夷孤行而叔齊半途而返矣余問此出何書對曰
想當然耳余欲以杜撰扑責之其人急呼曰凡論語中皆夷齊對

舉至孟子中則單言伯夷無一連及叔齊者願宗師明以告我余無以折之遂置不問

林少穆曰吾鄉鄭芥舟先生天鑑年十三應童子試顏淵後題曰

未盱而先生文已脫稿只少兩比適見兩廊有二題牌係先期補歲考者一冉子退朝子曰何晏也一非敢後也二句先生頓悟用作二小比云來乎奚暮非同冉子之朝勞也如何頗類右師之殿遂以此冠其軍

四勿齋隨筆云乾隆壬子江南張元位舜有臣五人二節墨卷破題云帝王賴臣以治天下可卽洪範以徵其數焉末段云天下知洪範之言五也而不知洪範之盡言十也夫戴與履合而十生焉以三比七而十生焉以八比二以六比四而十又生焉故不言十而前後左右無不寓乎十之理也若徒觀於錫疇之迹則鮮不謂

終於載九而已矣評者謂以洪範詮題奇才濬發且於帝臣之所
以爲臣王佐之所以爲佐都有發揮力大思深得未曾有云云然
究非題中應有之意卽以文論亦未見彈丸脫手之妙不敢人云
亦云也

吾聞乾隆丙午科魁墨無美不備首題子曰關雎文尤多驚才絕
艷之作聞逢兒言曾見一汀州孝廉硃卷專就鳥名生發極爲燦
爛惜不能舉其全文僅記其兩大比入手云有關雎而後有鳳凰
對比云有關雎不妨有鴟鴞奇情鬱起對仗渾成可想見其全豹
矣

廖佩香曰朱伯樂者楚生之貧士也弱冠後補弟子員數躋場屋家
益窘一日於友人案頭得貧而無怨難時藝一篇愛其沈鬱痛快
因錄存之無聊時輒朗誦一遍以舒憤懣誦至末段云冬煖而兒

號寒年豐而妻啼饑我緜安之若素其如室家之交謫何更有父
不以之爲子兄不以之爲弟雖曰命之不猶其如形神之交俸何
貧不能不多所取貧之所以傷廉也貧不能復有所與貧之所以
傷惠也貧不復講酬酢之節文貧之所以忍恥而廢禮也等句拍
案叫絕曰似此文甚于戚友之慰藉多矣以之作餽貧糧不亦可
乎

鄭蘇年師曰顏氏家訓有云讀天下書未徧不得妄下雌黃夫書
中雌黃未必遽於人有損也若司文柄者以妄行批抹屈抑真才
則直是草菅人命矣記遺愁集中載徐存齋年未三十督學浙江
一士子文中用顏苦孔卓語徐勒之批云杜撰抑置四等及發落
士子將領責執卷進曰大宗師見教誠當但此語出揚子法言實
非生員杜撰也徐起立曰本道僥倖太早未嘗學問今承教多矣

改置一等又一生作文莫吾猶人也題解文莫爲勉強亦被一學
政呵斥將以杜撰置劣等生執卷爭曰晉書樂肇論語駁曰燕齊
謂勉強爲文莫非生員所能杜撰也學政亦拱手謝之此兩段公
案不特司文柄者當知之卽鄉塾中評閱課文者亦不可不留意
矣

嘉慶甲子科江南鄉試長洲蔣廣文景曾於關帝廟所得一籤有
自南自北自西東句及八場首題爲謹權量至四方之政行焉文
後比卽用此句下股對無黨無偏無反側主考戴可亭師以用經
語渾成密圈批中

袁簡齋曰越絕書稱舜兄狂弟傲尸子稱舜事親養兄爲天下法
是舜有兄也惜妹名嫫首而兄名無考夏醴谷爲湖北學政試秀
才象日以殺舜爲事題一生中比云象不特殺之於水於火而且

於酒也閱卷者譁然以爲妄夏公曰勿怪慮有出處且觀對比若何其對云舜雖不得於其父其母而幸得於其妹也夏日舜妹名嫫首吾曾見之祖君彥檄煬帝文然則殺舜於酒亦必有典不可抹也後方知出列女傳

余與同堂第四兄澤卿同在陳茂真先生士偉館中課文時兩人皆十四歲一日以攻平異端命題澤卿兄中二比起句云有不知其爲異端而攻之者有明知其爲異端而攻之者茂真師極賞之以爲語能簡括後值鼈峰書院官課亦出此題澤卿兄卽錄前作校閱者使批其出比起首句云何消汝說繼批其對比云豈有此理時傳爲笑資也

文勝質則史包注史者文多而質少朱注史掌文書亦並未實指何項人宋人輔廣始以大史小史釋之汪文端公廷珍不喜其說

值督學試士首題以則史命題遲兩時許始出次題亦係則史二
 字其意明以前史與後史不同而又不欲遽宣其意有一童生悟
 其故而首藝已瞻清半篇係就史官說乃急綴一語云此其說非
 也以後皆以史為府史胥徒遂以首名八泮 按吾鄉傳有應童
 試者素能文題為臧文仲居蔡通篇俱以芻為陳蔡之蔡已瞻完
 全卷有鄰號一童素相善閱其文大驚曰汝文大誤朱注云蔡大
 龜也何竟忘之乎本人乃如夢初覺急提筆續其末行云或曰蔡
 大龜也是說也吾不之信學使賞其文亦得入泮頗與前事略同
 陳海霞標曰相傳某省閣中有某生初八號舍即假寐夢題為巧
 言令色鮮矣仁偶與鄰生言之鄰生曰我月前曾作是藝頗得意
 旋為某生述之某生隨聽隨記即暗能背誦次日果出此題因將
 所記者騰於卷以示鄰生鄰生大驚愕然已無如之何只得另撰

一篇懊恨中不覺自抒胸臆作兩大股一爲可惜也一爲可歎也
約略比附題義完卷而出乃榜發而鄰生高標某生竟無名向使
鄰生直錄舊作轉不得雋矣

先叔父太常公曰乙未同年沈吉堂丙於會試場前夢有人提一
燈籠照其行上書三善堂三字醒後不解其義試畢成進士是科
首題爲苟日新三句文內講下出題提筆頓筆及末段收筆有先
天下而善圖厥新三疊句及閱會墨始悟三善之夢因卽署其廳
額曰三善堂

有浙江顧孝廉者因自刻其會試落卷後跋涉及考官大有謗訕
之語爲言官所劾革去舉人後改名鄉試復中式丙申科會試與
逢兒同號舍是科首題爲小人閒居爲不善六句逢兒因素耳其
文名欲就閱其卷而同號中已喧傳其一小講甚奇文云今夫君

子之面目一而已矣而小人有二有爾室之面目焉有大廷之面目焉以大廷之面目爲爾室之面目小人不能以爾室之面目爲大廷之面目小人不欲惜未詳以下如何作法大抵仍不能掩其桀驁之氣耳

嘉慶中葉文體詭異士子往往擣摻僻書字句以炫新奇而不顧理法用戊閣後辛筠谷侍郎從益爲磨勘官遂疏稱各省鄉試取

中之闕墨如隱居以求其志三句題文中用乘麟以理駕龍而游及金策書聖銀策書賢玉策書功等語於題義殊爲廓落又如冉有曰旣庶矣兩節題文抄用鬻子東門曰虛西門曰填南門曰鹿北門曰側又用漢書郡國志注夏禹之時民千三百五十五萬三千九百有二十三成周之時民千三百七十一萬四千九百有七十三等語雖出古書究於本題富教之義不切文體亦屬支離又

如使天下之人齊明盛服三句題文云昔武王克殷使閔天進招
華之桂於太廟使伯邑考進陽水之盞於羣廟使南宮适進九江
之菡於祧廟按之題義俱爲漫溢且此數語未見所出惟近人所
刻典制文琳注釋中有之稱係出尙書大傳而查尙書大傳並無
此語至於編造詞句如山佩幾宮水佩幾羽詳深衣之度按公侯
佩山元王大夫佩水蒼玉見於玉藻皆非深衣所有且左徵角右
宮羽凡佩玉皆然不分山佩水佩又有哲相滌山裳語按哲相滌
裳古無此事古者山龍繪於衣並不在裳若此之類不勝枚舉此
臣所見刻行闕墨也又如易經垂衣裳而天下治題文用文選東
都賦盛三雍之上儀一段查三雍宮立自漢朝黃帝堯舜時無之
且原賦云盛三雍之上儀修裘龍之法服鋪鴻藻申景鑠揚世廟
正雅樂而原卷抄用因文選注本釋服字下有音匄二字遂誤認

爲正文平寫作舖字分作舖鋪鴻藻信景鑠揚各四字爲句而將
世廟正雅樂五字截去又如禮韭曰豐本題抄用多識於鳥獸草
木之名題成文俱經臣籤出此臣磨勘分卷所見之文也又近來
士子爭效尤侗王廣心之文謂之尤王體查尤王文體最爲浮靡
其運用故實往往換字縮腳幾於唐人鷓鴣虬戶之澀體費人猜
想究其義實爲膚淺是以

欽定本朝四書文概不收錄今乃復取而誦習摹倣之科名既掇
效尤滋多遂成風尙現屆會試之期天下人才萃於京師應請預
飭典試分校各官嚴裁僞體務歸清真雅正其穿貫經史書卷紛
綸者固宜取中亦必求其文從字順於題義實有發明庶真才出
而文體正士習端矣奏入

上是之 按侍郎時爲臺諫屢與磨勘之役京中呼之爲磨王然

其所指擴則不爲過也

道光中時文家揣摩之法愈出而愈奇近有所謂且夫調者每於
提比之後或未比之前突用且夫二字以振其勢並不必關顧前
後語脈鄉會場中率多用此爲祕訣而司校閱者亦往往入其彀
中竟有以此掄元者如壬辰科會試君使臣以禮題會元文中段
云且夫君公至貴也臣下至賤也天澤至嚴也而堂廉又至遠也
臣以爲必出於禮何哉又己亥順天鄉試貨悖而入者二句題解
元文中段云且夫盈虛消長天理也欲惡取予人情也而多寡乘
除則尤理有固然而勢有必至者也此外用此調獲雋者尙層見
疊出展轉相承未見其已也 按前明王寢大有道之以德一節
文後兩比起處各用且夫字此調似託始於此然彼是靠實發揮
此則純衍虛機而已

徐存菴曰子路言何必讀書而夫子以佞斥之誠恐後世焚書坑儒將假仲氏之言爲口實故責之曰是故惡乎佞者佞者取給於口非心中實有此解也此聖人切責仲氏之言而實曲揣仲氏之心處乃項水心作何必讀書句文逞其毒筆橫肆發揮幾使仲夫子承受不起得罪先賢莫此爲甚矣其文云由之言曰夫子而謂由賊羔也必欲羔讀書也夫子而欲羔讀書也必謂民社中無書也不知讀書而無與於民社也者何必讀書讀書而不外於民社也者何必讀書吾而不以民社當讀書也者何必讀書吾而旣以民社當讀書也者何必讀書如以爲必讀書也意者讀書而遂足爲益也歟哉則經生豈不滿前而名世無一二見如以爲必讀書也意者不讀書而遂足爲損也歟哉則梟獍亦僅讀三皇之書而上古又且讀誰氏之書且自俗之淳而澆也而民人蓋屢變矣以

書之所以治民者治民惑其民者也口自禮之質而文也而社稷亦非昔矣以書之所以事神者事神慢其神者也出特不能盡書而焚之耳樸者讀之而詐馴者讀之而橫併使豪者讀之而腐其爲蒼生禍也大矣出特不能盡讀書之輩而除之耳猥人則以干祿假人則以盜名而險人則復以亂政其爲宇宙害也甚矣卽今之靡書不讀者孰有如夫子哉乃竟一籌莫展毫無益於成敗之數而吾黨之束書不讀者宜莫如山矣竊敢三年報績聊自試於盤錯之交然則書之無效亦可知矣書乎書乎其可以消歲月而不可以資經綸者乎其可以誘不才之子弟而不可以東用世之英雄者乎何必讀書 按此等狡猾不當以文論故聊附之雜綴

中

乾隆戊申江南鄉試一生虔禱於韋左司廟中夢見一黑衣真人

來謁韋公曰不可以爲道醒後不解其故是利領薦後被磨勘罰
停二科以次藝日月星辰繫焉文有於穆二字犯下孟藝孔子登
東山一節文有道字犯下故耳旋以禮闈尙遠就幕惟安暇日遇
闕廟見懸牌書神機詳夢四字生以前夢請詳其人掀髯笑曰是
何難解黑衣道人烏木道士也曰不可以爲道吸後語伐柯伐柯
是也君殆有美中不足乎生始悟黑衣爲於穆道下爲伐柯卽罰
科之轉聲韋公示意元妙乃爾

近年科舉場中有兩大案一爲乾隆癸卯科廣西鄉試首題語之
而不情者次題譬如行遠四句三題如其自視欲然二句詩題香
滿一輪中第一名岑照土田州人爲土司岑文棟之子富於貲榜
發之日物議沸騰闈中向學政查映山先生瑩索取錄遺卷學政
以卷宣示衆人則夫子爲衛君乎文衛君並誤作衛君蓋並不出

學政錄送而營緣別途以入闈者監臨孫補山先生士毅遂於揭

曉之次日由四百里驛遞參奏提到岑照訊供僅稱首藝係業師

卜承祺所改窗稿次藝係用舊作爲高必因邱陵文改成三藝係

用舊作附之以韓魏之家文改成排律係用舊作月中桂詩改成

及起其家中書籍則並無此窗稿提到卜承祺亦供稱並未代改

此題文字因加以刑訊始據供出係游內供給官永安州知州葉

道和聽從該生賄囑代倩幕友湖北舉人曹文藻入場代作文字

審實均立正典刑余至廣西覓得是科闈墨讀之則元墨仍是岑

昭之名三篇文筆皆清矯實足以領袖羣才檢閱舊案主司亦有

文極老氣之批正主考爲吳泰交壽昌副主考爲孫寄圃玉庭二

先生也一爲嘉慶戊午科湖南鄉試承辦科場書吏樊順城商令

應試諸生傅晉賢出銀句串吏役多人通同舞弊私雕假印抽得

內簾取中之彭莪試卷割換爲傅晉賢取中榜首先是彭莪於出
闈後卽錄首藝草之嶽麓書院山長羅慎齋先生典規加評點許
以必元至是刊布元墨羅見之大駭遂以所評彭莪原稿示監臨
亦卽具奏審出割換情弊將傅晉賢真之重典而賞還彭莪舉
人是科首題爲文之以禮樂正主考爲錢雲巖福州副主考爲伊

墨卿

秉綬

二先生今有編選元墨者是題文仍署傅晉賢之名文

字亦不過時調未見佳致後二比以有虞分禮樂爲二職我周合
禮樂爲一官分起似可以取銘經義自鑄偉詞而接語平平末以
穆然想古帝之文明煥乎見昭代之文章兩句分結不能兜住題
義但緊拈兩文字最爲時墨陋習不知羅錢伊三君何以賞爲必
元也然當時不掄元則此案未必破聞是年四開前長沙有扶乩者
謂本科是張桓侯主場必生事端蓋此弊相沿已久至是偶而始

發也

淡墨錄云武進莊方耕

存與

閣學乾隆乙丑榜眼累司文柄酷好

短篇所取闕遺不過三百字即開有至四百字者而元文必短士子揣摩風氣率以假成宏規模應之所謂賣假古董也其中亦有美才故以千尋之材縮爲咫尺之短而人設者然要之以皮毛弋獲者居多而莫甚於二十一年浙江鄉闈所取解元高毓龍者烏程監生也本不讀書隨其父某在任所辦事是科閣學偕山東鞠愷典試浙中高毓龍方從任所歸人言本科主考好短篇只消隨筆寫數行即可望中高自發蒙成篇後即出外奔馳空疎久矣聞之心喜亦隨衆觀場首藝題爲顏淵曰願無伐善無施勞子路曰願聞子之志高不知文法直作兩比寥寥數語首尾俱無起結莊搜落卷已爲詩五房考官朱濟所抹莊得之大喜定以爲元朱力

爭此文稚氣未除浙江文獻之區若以領解恐招譏訕莊素剛愎
堅不肯從既定元以爲必名宿也鞠畏其勢不敢開口榜發知係
監生又素無文譽乃大悔之高二三藪无療草皆莊爲之改作發
刻今尚有莊所改高原稿本人皆見之房魁爲仁和王學廉亦素
無名望與高同皆主考搜落卷而得之者浙人集唐句嘲之云莊
夢至今猶未醒鞠花從此不須開

前明吾鄉長樂林總憲

延選

主某科會試先一日招同鄉公車親

暱者數人飲衆皆知其必司文柄而難於自媒公但與縱飲盡歡
將撤席乃親執壺徧酌衆賓曰盡此壺衆皆唯唯而散翼日公果
入闈諸公車於首藝末段各用盡此乎三字榜發皆得雋惟其婿
不能悟意獨落孫山後有以蜚語舉發者公曰若果有此關節何
以吾婿獨不與聞事因得寢

施愚山先生督學山左時有名士入場作寶藏與焉文誤爲水一節錄畢始悟料無不細之理作詞於文後曰寶藏在山間誤認卻在水邊山頭蓋起水晶殿珊長峰尖珠結樹巔這一回崖中直跌撐船漢告蒼天留點蒂兒好與友朋看愚山題文至此和之曰寶藏將山誇忽然閒在水涯樵夫慢說漁翁話題目雖差文字卻佳怎肯放在他人下常見得登高怕險那曾見會水泅殺仍錄附榜末

文行集云宏治六舉鄉會文章稱盛其初年己酉順天鄉試申明約禁文內不許用空定慧三字以涉禪語也或仿鄭五歇後體以自箴曰回也其庶乎屢此下一字真可除君不見今之所禁則國虛當年夫子犯了鄙夫問於我知又云少之時血氣未此下一字只合塗君不見今之所禁天下惡乎當年曾子犯了一人債事一

人國訓又云言不及義好行小此下一字渾不是君不見今之所禁雖有智當年孟子犯了德術智

尤展成西堂雜俎中有怎當他臨去秋波那一轉制義云想雙文之目成情以轉而通焉蓋秋波非能轉情轉之也然則雙文雖去其猶有未去者存哉張生若曰世之好色者音知之矣來相憐去相捐也此無他情動而來情靜而去耳鍾情者正於將盡之時露其微動之色故足致人思焉有如雙文者乎最可念者囁鶯聲於花外半晌方言而今餘音歇矣乃口不能傳者目若傳之更可戀者觀玉趾於殘紅一步漸遠而今香塵滅矣乃足不能停者目若停之惟見盈盈者波也脈脈者秋波也乍離乍合者秋波之一轉也吾向未之見也不意於臨去時遇之吾不知未去之前秋波何屬或者垂眺於庭軒縱觀於花柳不過良辰美景偶爾相遺耳猶

是庭軒已隔花柳方移。曉分清揚，忽徘徊其如送者奚爲乎所
云含睇宜笑，轉正有轉於笑之中者，雖使覩修暱於覲面，不若此
際之銷魂矣。吾不知既去之後，秋波何往，意者凝眸於清院，掩淚
於珠簾，不過忽粉愁香，渡其獨對耳。惟是深院將歸，珠簾半閉，而
嫣然美盼，似恍惚其欲接者，奚爲乎所云渺渺愁余，轉正有轉於
愁之中者，雖便關羞目於燈前，不若此時之心蕩矣。此一轉也，以
爲情多耶，吾惜其止此一轉也，以爲情少耶，吾又恨其餘此一轉
也。彼知爲秋波一轉，而不知吾之魂夢有與爲千萬轉者，吾卽欲
閉目不窺其如一轉之不可卻，何噫嘻，招楚客於三年，似曾相識，
傾漢宮於一顧，無可奈何有雙文之秋波一轉，宜小生之眼花撩
亂也哉。抑老僧四壁畫西廂，而悟禪恰在个中，蓋一轉者情禪也。
參學人試於此下一轉語，按西堂全集卷端有恭載宏覺國師奏

御語錄一則云

上一日慨歎場屋中士子多有學寡而成名才高而掩抑者如新狀元徐元文業師尤侗極善作文字竟以鄉貢選推官在九王攝政時復緣事降調豈非時命大謬之故耶師云臣聞之君用能造命上之有才患

皇上不知耳既知之何難擢之高位

上曰朕亦有此念因命侍臣取其文集來內有臨去秋波那一轉時藝

上與師閱至篇末云參學人試於此下一轉語

上忽掩卷曰請老和尚下師曰不是山僧境界時昇首座在席

上曰天岸何如昇曰不風流處也風流

上爲大笑

乾隆末吾閩學使者鄒念橋侍郎

奕孝

第三子棄儒就釋削髮入

山其妻乃嶺南尹楚珍先生

壯圖

之女敦詩悅禮因感痛之深集

四書語成制義一篇一時傳誦殆徧聞此文已傳播

宮闈中仰

承

嘉獎亦足以慰其志矣文云攻乎異端我丈夫也夫良人者所仰望而終身也今若此吾未如之何也已尹士語人曰君子不出家而成教於國三子者出非其道也索隱行怪吾弗爲之矣今女安則爲之父母俱存兄弟無故一樂也避兄離母何爲其然也宜爾室家樂爾妻孥二樂也出妻屏子是誠何心哉爲人子止於孝今之孝者不顧父母之養曾是以爲孝乎父母在不遠遊子好遊乎舍正路而弗由是焉得爲大丈夫乎父作之子述之爲可繼也望望然去之孰謂鄒人之子知禮乎父爲大夫子爲士蓋有之矣欲

潔其身而亂大倫而謂賢者爲之乎男子生而願爲之有家古之道也夫非盡人之子與女子生而願爲之有家物之情也吾何爲獨不然攝齋升堂惡衣服吾不欲觀之矣摩頂放踵拔一毛吾鮮能久矣嗚呼遠送之門哭泣之哀而良人未之知也交得見於鄒君夕死可矣往者不可諫來者猶可追已而已而盍歸乎來

廬州有某生屢困童子試偶於考前連夜夢其亡父屬之云此番入場不必作文但通卷寫數百之字方能獲雋否則又無益也及入場出題後竟不能構思因憶夢中語不得已止寫數百之字投卷而出宗師閱至此卷大詫異遂藏置靴桶中先將人設諸卷看定讞好俟次日填榜招覆是日適逢端午集幕中衆賓宴會乃出一令曰今有一試卷諸君但見一字而笑者罰酒一杯於是從靴桶中取出前卷以手按其餘字僅露破題第一字示諸賓賓見破

題首一字便用之字皆不覺失笑宗師連示二三等字見皆寫之字無不笑者及至終篇見無一不是之字竟大笑不休於是罰酒無算極酌而散卷在几上亦忘收僕從不知誤以此卷置諸入教各卷之上次日命書吏按卷填圖即將此卷坐號填在案首填畢查數忽多卷一本宗師不信從頭翻閱各卷見第一本即寫之字者方知昨日之誤意不能決乃傳教官密書此卷坐號令查本童姓名並詢文行優劣少頃稟覆係邑中宿學某也宗師即命取圖招覆覆卷果佳即以案首補弟子員至入謁時詢明寫之字之故始信功名自有定數得失竟有不繫文章者矣

繆蓮仙曰有塾師因其徒他出以牛何之三字命題構文其徒於篇終作一大結云夫孟子一書言何之者二一則曰牛何之一則曰先生將何之先者牛之踢飛脚者也生者牛之坐板櫪者也然

則牛也先生也一而二二而一者也又有作不撤薑食不多食二句題文其渡下云神明不可不通而亦不可太通穢惡不可不去而亦不可盡去皆可發一粲也。按不多食卽指薑食言宋鄭汝諧論語意原有此說則此文亦未可厚非耳。羅鏡泉以智曰按事文類聚薑不多食連文引之陶宏景本草經注故論語云每食不撤薑言可常食但不可多食耳則連文本係舊說閻氏百詩謂正與惟酒無量不及亂一例

郭蘭石由四川督學報政回京有錄存告示文稿一本中有虎言蝶歎之語閱者求其說蘭石笑曰我曾按試一屬有一卷賦春日遲遲句云蛺蝶歎春風蝶歎已屬奇聞又試一屬以虎負嵎命題有一卷於講下分三段全爲虎之口氣第一段云虎若曰我所積畏者婦也今爾衆其柰我何第二段云虎若曰我所甚懼者搏也

今徒逐其柰我何第三段云虎若曰我所失勢者野也今在岨其柰我何余擬以劣等薄懲之幕中客曰設想雖奇文法尙好抑之三等未可矣又一客曰此生亦太可憐其生平必懼內否則何以云積異者婦平合坐大笑而罷

陳秋坪曰有士人患其子不務正業游手放閒因取章日灼父母惟其疾之憂題文誦其後股出比以警之曰罔極之深恩未報而又徒留不肖之肢體貽父母以半生莫殫之愁子不敢出聲一日適其父狎妓歸子偵知之遂朗誦前文對比云百年之歲月幾何而忍吾親以有限之精神更消磨於生我劬勞之後父乃默然予謂對比三語尤妙在意餘言外也

又曰有武生進內場鈔錄夾帶文字中有昔賢二字筆畫稍長賢字又小寫作矣遂誤作廿一曰上天五字主司批云爾既於廿一

日上天去本院亦不留爾又一武生於卷中錄蓋人君之於天下句誤作羊血會三打天下七字至今以爲笑柄

近日盲試官到處皆是令人憤悶余所目擊者如用一器而工聚焉者車爲多爲房考全句塗抹而不知其出考工記用郭鄰字爲主考所抹批云如此備典何必引用而不知其出蔡仲之命近聞有用佛時者學政批云佛時是西土經文不宜入孔門口氣又有用貞觀字者房考批云貞觀乃漢朝年號不宜用於三代之時有輕薄者合此二事撰爲對語云佛時是西土經文宜聖低眉滿勒笑貞觀乃東京年號唐宗失色漢皇疑

近時好出割截題欲以杜鈔錄成文之弊其作法全在釣渡挽上見工夫而於聖賢立言之本旨則未暇顧也然此風似不始於今日明人說部中有以杖叩其脛闕黨童子題或作中段渡勢云一

杖而原壤痛再杖而原壤仆三杖而原壤死矣三魂渺渺七魄沈沈一陣清風化爲闕黨童子此雖戲言亦可見前明卽尙此巧法矣 又有戲作王如好色至有託其妻子於其友題者其渡下云夫王之好色不與王之臣同之而與百姓同之者以王之臣自有妻子故也其挽上云夫王之臣不託其妻子於王而託於其友者以王好色故也善譴而近虐實足解頤

余四叔父太常公視學 陪京恭逢嘉慶十年 東巡大典先一月奉天歲試諸生童僉言學臣應帶領新進文童接 駕適有八十歲老童皓首雁眉人甚輕健公於點名頃目之擬卽取進以爲諸生領袖是日試題爲周公謂魯公曰公當堂收閱老童卷講下云不觀周公乎不觀魯公乎不觀周公謂魯公乎不觀周公謂魯公曰乎公笑曰如此出落宜其爲諸童領袖矣後竟取殿奉庠云

張船山太守在登州府試以伯夷叔齊命題有作八股文者則伯
二比夷二比叔二比齊二比也太守題俳語於卷上云孤竹君哭
聲悲叫一聲我的兒呵我只道你在首陽山下做了餓死鬼誰知
道被一個混帳的東西做成了一味喫不得的大碟八塊可爲噴
飯

陳午橋參議鴻戲作舉子下第時文傳播於時可以破涕爲笑蓋
全套金正希德行一節文中二比調也其詞云榜大莫能容所不
得者進士而於舉人無恙也設諸公非爲進士故挾其文章經義
試帖楷法以博取人閒館與幕與一切賸錄教習固自易易何困
阨若斯也而諸公不願也文人無厄地所自信者學問而命運則
不敢必也設諸公以不中進士故當其袍袖靴帽服飾鋪蓋以博
相公之一笑且下及夫清廠魚他豈不甚樂何憂悶若斯也而諸

公不敢也

常熟顧仲恭作故十八房書說遊戲之筆故炳燭齋集中不載而黃太冲獨稱之蓋國初時風氣已如此今則又甚焉雖謹而虐不爲過也其略云今世之爲天吏者有三庸醫也低風水也盲考官也何以言之使醫而能辨六脈則天之所以生死人者人得而奪之矣使風水而能辨龍穴則天之所以禍福人者人得而奪之矣使考官而能辨文章則天之所以貴賤人者人得而奪之矣故吾謂此三人者皆天吏也敢弗敬歟凡物之確然自信者人爲政而冥然罔覺者天爲政古者聖人舉事必用蓍龜夫枯草朽甲何靈之有惟其無靈而天下之至靈者出焉考官者亦文章之蓍龜也從之則吉逆之則凶敢弗敬歟

韻鶴軒雜著云有一秀才日喜看盲詞適屆歲考場中命題係子

曰赤之適齊也至與之粟九百辭遂援筆立就其文曰聖人當下
開言說你今在此聽分明公西此曰山東去裘馬翩翩好送行自
古道雪中送炭爲君子錦上添花是小人豪華公子休提起再表
爲官受祿身爲官非是別一个堂堂縣令姓原人得了俸米九百
石堅辭不要半毫分案出以不避功令遂置劣等然就文而論則
題中纖悉俱到矣故知文無精義而惟以平鋪直敘見長者其源
皆出於盲詞也

梁應來曰四書文中有所謂墨派者庸惡陋劣無出其右有卽以
墨卷爲題仿其調作兩股以嘲之者曰天地乃宇宙之乾坤吾心
實中懷之在抱久矣夫千百年來已非一日矣溯往事以追維曷
勿考記載而誦詩書之典要元后卽帝王之天子蒼生乃百姓之
黎元庶矣哉億兆民中已非一人矣思入時而用世曷弗瞻黼座

而登廊廟之朝廷疊牀架屋今之所謂首調鏗鏘者何以勝此
袁簡齋曰余弱冠在都卽聞吳江布衣徐靈胎有權奇倜儻之名
終不得一見庚寅七月患臂痛乃買舟訪之一見懽然年將八十
矣猶談論風生留余小飲贈以良藥門鄰太湖七十二峰招之可
到有佳句云一生那有真閒日百歲仍多未了緣自題墓門云滿
山靈草仙人藥一徑松風處土墳靈胎有戒賭戒酒勸世道情語
雖俚恰有意義刺時文云讀書人最不齊爛時文爛如泥國家本
爲求才計誰知道變做了欺人技三句承題兩句破題擺尾搖頭
便道是聖門高弟可知道三通四史是何等文章漢祖唐宗是那
一朝皇帝案頭放高頭講章店裏買新科利器讀得來肩臂高低
口角噓唏甘蔗渣兒嚼了又嚼有何滋味孽負光陰白白昏迷一
世就教他騙得高官也是百姓朝廷的晦氣

制義叢話卷之二十四

制義叢話題名

宋嘉祐開

王安石

字介甫又字半山臨川人慶歷二年進士左僕射制文殿大學士諡文追舒王宋史有傳

蘇轍

字子由又字穎之眉山入嘉祐丁酉進士端明殿學士諡文定宋史有傳

紹興開

楊萬里

字廷秀又字誠齋吉水人紹興甲戌進士寶謨閣學士諡文節宋史入儒林傳

乾道開

陸九淵

字子靜又字象山金溪人乾道辛巳進士知荆門軍諡文安宋史入儒林傳

淳熙開

陳傅良

字君舉又字止齋瑞安人乾道辛巳進士寶謨閣待制諡文節宋史入儒林傳

淳祐開

汪立信

字誠甫又字紫源六安人淳祐丙午進士端明殿學士江

文天祥字履善又字宋瑞吉水人淳祐丙辰進士右丞相兼樞密使加少保信國公未史有傳

明 洪武開

劉基字伯溫壽田人元進士入明官御史中丞封誠意伯諡文成明史有傳

黃子澄初名湜以字行更字伯淵分宜人洪武乙丑會元官太常寺卿兼翰林學士明史有傳

劉三吾初名湜字坦甫茶陵人元末提舉靖江學洪武中用轉官左贊善擢學士明史有傳

建文開

楊溥字宏濟石首人建文庚辰進士武英殿大學士諡文沖明史有傳

楊榮字勉仁建安人建文庚辰進士謹身殿大學士諡文敏明史有傳

永樂開

姚廣孝初為僧名道衍字斯道長洲人永樂初復姓賜今名封榮國公諡恭靖明史有傳

干謙字廷益錢塘人永樂辛進士官兵部尚書加少保諡忠肅明史有傳

景泰開

邱 濬 字仲深瓊山人景泰甲戌進士武英殿大學士諡文莊

正統間

商 輅 字宏載淳安人正統乙卯解元乙丑會元狀元謹身殿大

成化間

林 瀚 字亨大閩縣人成化丙戌進士南京吏部尚書諡文安明

史有傳

吳 寬 字原博又字匏菴長洲人成化壬辰會元狀元禮部尚書

諡文定明史有傳

王 鏊 字濟之又字守溪吳縣人成化甲午解元乙未會元探花

武英殿大學士諡文恪明史有傳有上守溪文稿

蔡 清 字介夫晉江人成化丁酉解元甲辰進士南京國子監祭

酒贈禮部侍郎諡文莊從祀文廟明史入儒林傳

邵 寶 字國賢又字二泉無錫人成化甲辰進士南京禮部尚書

諡文莊明史入儒林傳

宏治間

鏡 福 字子謙又字鶴灘華亭人宏治庚戌會元狀元翰林修撰

有錢鶴灘稿

顧 清 字士廉華亭人宏治壬子解元癸丑進士南京禮部尚書

明史有傳

制義叢話題名

唐寅

字伯虎又字子畏吳縣人宏治戊午解元

倫文敘

字伯麟南海人宏治己未會元狀元

林庭棉

字利瞻閩縣人瀚子宏治己未進士工部尚書諡康懿明史附林翰傳

王守仁

字伯守又字陽明餘姚人宏治己未進士兵部尚書封新建伯諡文成明史有傳

正德閒

邵銳

字士仰仁和人正德戊辰會元太僕寺卿諡康僖

唐臯

字心菴又字守之歙縣人正德癸酉舉人甲戌進士狀元侍講學士

汪應軫

字子宿又字青湖山陰人正德丁丑進士江西提學僉事明史有傳

季本

字明德又字彭山山陰人正德丁丑進士長沙知府

張經

寄姓蔡字廷彛侯官人正德丁丑進士以兵部尚書兼都御史總制南直隸湖廣江西閩浙山東兩廣七省為趙文華所誣論死諡襄愍明史有傳

嘉靖閒

海瑞 字汝賢又字剛峰瓊山人嘉靖 舉入南京右都御史

王真中 字道思又字遵巖晉江人嘉靖丙戌進士河南參政明史

羅洪先 字達夫又字念菴吉水人嘉靖己丑進士狀元蘇坊左營

唐順之 字應德又字義修又稱別川武進人嘉靖己丑會元僉都

梁懷仁 字宅之晉江人嘉靖己丑進士

鄭晉 字南安人嘉靖辛卯舉人壬辰進士

林春 字子仁人寄籍秦州嘉靖壬辰進士狀元

呂本 字汝立又字南渠餘姚人嘉靖壬辰進士

王樵 字明逸金壇人嘉靖乙未進士南京右都御史

許穀 字仲貽上元人嘉靖乙未進士江西提學僉事南尚寶卿

薛應旂 字仲常又字方山武進人嘉靖甲午舉人乙未會元陝西

諸燮 字理齋人嘉靖甲午舉人乙未進士

稽世臣 字 人嘉靖乙未進士

茅 坤 字順甫又字鹿門歸安人嘉靖戊戌進士大名兵備副使
明史列文苑傳有茅鹿門稿

葉 經 字東園

歸有光 字熙甫又字震川崑山人徙居嘉定嘉靖庚子舉人乙丑
進士太僕寺丞明史列文苑傳有歸震川稿

高 拱 字肅卿新鄉人嘉靖辛丑進士大學士諡文襄明史有傳

瞿景淳 字師道又字昆湖常熟人嘉靖癸卯舉人甲辰會元南京
吏部侍郎諡文懿明史有傳

王世貞 字元美又字弇州太倉人嘉靖丁未進士刑部尚書明史
列文苑傳

張居正 字太岳江陵人嘉靖丁未進士太師吏部尚書中極殿大
學士諡文忠明史有傳

胡正蒙 字目門又字正甫餘姚人嘉靖丁未會元探花國子祭酒

林 燦 字貞恆又字對山閩縣人嘉靖丁未進士南京禮部尚書
諡文恪明史附見林燦傳

王任用 字汝欽太倉人嘉靖丁未進士

楊繼盛 字仲芳又字叔雅山容城人嘉靖丁未進士兵部員外郎諡
忠愍明史有傳

胡友信字思泉德清人嘉靖己酉舉人隆慶戊辰進士有胡思泉稿

邵圭潔字伯如一字茂齋又隴北處常熟人嘉靖己酉舉人

傅夏器字廷璜又字錦泉南安人嘉靖庚戌會元郎中

孫溥字豐城人嘉靖壬子解元

王錫爵字元馭又字荆石太倉人嘉靖壬戌會元榜眼大學士諡

許孚遠字孟中又字敬庵德清人嘉靖壬戌進士南京兵部侍郎諡恭洵明史人儒林傳

章禮字約之會稽人嘉靖甲子解元戊辰進士通政司參議

陳棟字隆之南昌人嘉靖乙丑會元探花

胡定字二溪人

隆慶間

黃洪憲字懋中又字葵陽秀水人隆慶丁卯舉人辛未進士少詹事

田一雋字德萬大田人隆慶戊辰進士禮部侍郎明史有傳

楊起元

字貞復歸善人隆慶丁卯舉人萬曆丁丑進士吏部侍郎

李廷機

字爾張又字九我晉江人隆慶庚午北直解元萬曆癸未

鄧以讚

字汝德又字定宇新建人隆慶辛未會元探花吏部侍郎

方大美

萬曆閒

蘇濬

字君禹又字紫溪晉江人萬曆癸酉解元丁丑進士廬山

孫鏞

字文融又字月峰餘姚人萬曆甲戌進士南京兵部尚書

趙南星

字夢白又字齊鵬高邑人萬曆甲戌進士吏部尚書論忠

顧憲成

字叔時又字恆陽無錫人萬曆丙子解元庚辰進士吏部

劉廷蘭

字國徵又字紉華漳浦人萬曆丙子解元庚辰進士

萬國欽

字二愚江西人隆慶庚午舉人萬曆癸未進士南京刑部

魏允中

字懋權南樂人萬曆庚辰進士吏部主事

錢 楨

萬曆庚辰進士

鄒德溥

字汝光又字泗山安福人司經局洗馬明史附臨川傳有鄒泗山制義

湯顯祖

字若士又字義仍臨川人萬曆癸未進士禮部主事謫徐聞典史稍遷遂昌知縣明史有傳有玉茗堂稿

葉 修

字永溪南昌人萬曆癸未進士

吳道明

萬曆丙戌進士

陶望齡

字周望又字石簣會稽人萬曆乙酉舉人已丑曾元探花國子祭酒諡文簡

王 衡

太倉人錫爵子字辰玉又字縱山萬曆戊子解元辛丑進士榜眼翰林編修明史附王錫爵傳

董其昌

字元宰又字思白華亭人萬曆己丑進士南京禮部尚書諡文敏明史入文苑傳

吳 化

字敬之黃安人萬曆戊子解元乙未進士

郝 敬

字楚望又字仲輿京山人萬曆己丑進士禮部給事中明史附文苑李維楨傳

吳 默

字固之又字無障吳縣人萬曆壬辰會元有吳曾元真稿

黃汝亨

字貞父仁和人萬曆辛卯舉人戊戌進士江西參議

魏光國

字士為

人萬曆庚戌進士有魏台虛先生稿

湯賓尹

字嘉賓宣城人萬曆甲午舉人乙未會元榜眼南京國子

孫慎行

字聞斯又字淇澳武進人萬曆乙未進士探花南京禮部

曹學佺

字能始又字石會侯官人萬曆乙未進士四川按察使唐

王繼

字翼邑又字慕蓼晉江人萬曆戊戌進士浙江布政使

駱日升

字台晉晉江人萬曆辛卯舉人乙未進士四川參政贈光

許

字子遜又字鍾斗同安人萬曆辛丑會元翰林編修有許

張以誠

字君一青浦人萬曆辛丑會元春坊諭德

劉宗周

字越東又字念臺山陰人萬曆辛丑進士左都御史

王納諫

字聖俞江都人萬曆癸卯解元丁未進士

李光元

字人萬曆庚子應天舉人丁未進士

韓敬 字求仲歸安人萬厯庚戌會元狀元翰林修撰有韓求仲稿程墨文室

鍾惺 字伯敬天門人萬厯庚戌進士福建提學僉事明史附文苑袁宏道傳

張壽朋 字冲齋南坡人萬厯癸未進士廬州通判

錢士釐 字季榮

王士驪 字房仲

方應祥 字孟旋歸安人萬厯丙午舉人丙辰會元

袁黃 字了凡嘉善人萬厯丙辰進士兵部主事

黃道周 字幼元一字螭若又字石齋漳浦人萬厯戊午舉人天啟壬戌進士少詹事後為唐王禮部尚書武英殿大學士明史有傳 賜諡忠端從祀文廟有辨技集

姜曰廣 字居之又字燕及新建人萬厯乙卯舉人已未進士吏部左侍郎左遷南京太常卿福王時為禮部尚書東閣大學士明史有傳

顧錫疇 字九疇文字字瑞屏崑山人萬厯己未進士南京禮部左侍郎宏光中進尚書明史有傳

李若愚 字愚 公漢陽人 萬曆己未進士

天啟間

文震孟 字文起 又字樵 長洲人 天啟壬戌進士 狀元 東閣大學士 諡文肅 明史有傳

章世純 字大力 臨川人 天啟辛酉舉人 柳州知府 明史附文苑 艾南英傳有章大力稿

金聲 字正希 嘉魚人 休甯籍 天啟甲子順天舉人 崇禎戊辰進士 山東僉事 唐王時以右都御史總督諸道 軍諡文毅 明史有傳 有金正希稿

何楷 字元子 漳州鎮海衛人 天啟甲子舉人 乙丑進士 吏科給事中 唐王時為禮部尚書 明史有傳

左懋第 字蘿石

葉紹袁 字仲韶 吳江人 天啟乙丑進士 工部主事

項煜 字仲昭 又字水心 吳縣人 天啟甲子舉人 乙丑進士 有東野堂稿

華琪芳 字未齋 無錫人 天啟乙丑會元 榜眼

凌義渠 字峻甫 又字茗柯 烏程人 天啟甲子舉人 乙丑進士 大理寺卿 贈刑部尚書 諡忠清 本朝賜諡 忠介 明史有傳 有

寺卿 贈刑部尚書 諡忠清 本朝賜諡 忠介 明史有傳 有

凌茗柯稿

吳南英

字千子東鄉人天啟甲子舉人唐王時授兵部主事改御

黃文煥

字維章永福人天啟甲子舉人乙丑進士翰林山知縣擢

熊開元

字魚山嘉魚人天啟乙丑進士吏科給事中甲申後為僧

羅萬藻

字文止臨川人天啟丁卯舉人崇禎戊辰進士有羅文止

譚元春

字友夏天門人天啟丁卯舉人

章淳

沈幾

字去疑長洲人天啟丁卯解元崇禎辛未進士

白砌

字塗山山陽人天啟丁卯舉人崇禎辛未進士探花

黎元寬

字天啟丁卯舉人崇禎戊辰進士

崇禎間

曹勳

字允大又字我雪嘉善人崇禎戊辰會元有曹允大稱

楊廷樞

字維斗，長洲人。崇禎庚午，解元。福王時，兵科給事中。有楊

劉侗

字同人，麻城人。崇禎甲戌，進士。吳江知縣。

陳際泰

字大士，臨川人。崇禎庚午，舉人。甲戌，進士。行人司行人。明

陳孝威

字泰子，有癡山集。乙山房稿。記吾集。

陳孝逸

際泰子，有壺山集。

陳子龍

字大樽，又字臥子，華亭人。崇禎庚午，舉人。正進士。兵科

吳偉業

字駿公，又字梅村，太倉人。崇禎辛未，會元。榜眼。國子祭酒。

楊以任

字維節，瑞金人。崇禎辛未，進士。國子監博士。有揚維節稿。

馬世奇

字君常，無錫人。天啟甲子，舉人。崇禎辛未，進士。翰林。尚書

陳名夏

字百史，溧陽人。崇禎癸酉，舉人。癸未，會元。探花人。本朝

章日价

為秘書院大學士。緣事伏法。有自訂制義明文六十家。隱

林 塗

字子野，福清人。崇禎癸酉，舉人。癸未，進士。海甯知縣。

李青 字太青又字竹君金壇人崇禎甲戌會元有李太青稿

孫煥一 字自一 人崇禎庚辰進士

黃廷才 字辛陽

黃淳耀 初名金耀字松崖又字蘊生以讀書阿堵中又號阿堵嘉
定人崇禎癸未進士未受職歸洵節死 本朝賜諡忠節

明史入儒林傳有黃阿堵稿

王毓者 字元趾會稽人其門人私謚正義先生明史附劉宗周傳

徐方廣 字思曠太倉人崇禎開諸生有徐思曠稿

錢禧 字吉士 人有錢吉士稿

包爾庚 字長明 人崇禎丙子舉人丁丑進士有包長明稿直
木居稿

彭賓 字燕又又字修如華亭人崇禎庚午舉人

王自超 字茂遠又字柳潭 人崇禎壬午舉人癸未進士有王
柳潭稿

史可法 字憲之又字道鄰祥符人崇禎戊辰進士南京兵部尚書
宏光時為督師武英殿大學士

李騰芳 字湘洲

方以智 字密之桐城人崇禎庚辰進士翰林院檢討甲申後為僧

徐麟高

周鍾 字介生金沙人崇禎癸未進士翰林院編修有手授全稿

邱義 字明大甯化人崇禎末諸生

國朝 順治間

顧炎武 初名絳字甯人又字亭林崑山人順治初諸生

梁清標 字玉立又字蕉林正定人前明進士入本朝官保和殿

章金牧 字雲李德清人出貢生官析鄉知縣有章雲李稿

賀應旌 字大興人順治乙酉舉人有采芝堂文稿

趙吉士 字恆夫又字漸岸又稱寄園休甯人順治辛卯舉人戶科

程定鼎 字扶墊

楊雍建 字以齋海甯人順治開拔貢生兵部左侍郎自弗過軒

劉思敬 字覺岸

魏商介 字貞白又字石生桐鄉人順治丙戌進士保州澉大學士

郇炳元 字飛虹長垣人順治乙酉解元丁亥進士提學道

范承謨 字觀公又字螺山濟陽人順治壬辰進士福建總督諡忠貞

徐越 字山琢又字存巖山陽人順治壬辰進士監察御史有諱

李之芳 字鄂園武定人順治丁亥進士文華殿大學士諡文襄

伊闕 字虛源又字翁菴新城人順治戊子舉人乙未進士湖南

劉子壯 字克猷黃岡人順治己丑進士狀元翰林修撰有劉克猷

熊伯龍 字次侯又字鍾陵漢陽人順治己丑進士榜眼翰林侍讀

施閔章 字尚白又字愚山宣城人順治丙戌舉人已丑進士康熙

王庭 字言遠又字逸人嘉興人前明舉人順治己丑進士山西

荆義義話題名

七

王廣心

字伊人又字農山華亭人順治己丑進士有蘭雪堂詩義

張永祺

字爾成大興人順治壬辰進士

李來泰

字仲章又字石臺臨川人順治壬辰進士康熙己未詞科

湯斌

字孔伯又字潛菴又字荆峴雋州人順治壬辰進士康熙己未詞科工部尚書從祀文廟諡文正

宋德宜

字右之長洲人順治乙未進士文華殿大學士諡文恪

汪琬

字鈍翁又字堯峰長洲人順治乙未進士康熙己未詞科

王士禎

字貽上又字阮亭新城人順治乙未進士刑部尚書諡文簡

陸燾

字燦字澗靈又字圓沙常熟人順治丁酉舉人有錢村

熊賜履

字敬存又字青岳孝感人順治戊戌進士東閣大學士諡文端

陳廷敬

字說巖又字子端又稱午亭澤州人順治戊戌進士文淵閣大學士諡文貞

蔣德峻

字公遜人順治戊戌進士

葉方謫

字子吉崑山人順治己亥進士塔花禮部侍郎贈尚書諡文敏

張玉書

字素存丹徒人順治辛丑進上文華殿大學士諡文貞

馬世俊

字章民又字制臣溧陽人順治庚子進士狀元翰林

康熙開

顏光敏

字遜甫又字修來又字學仙山阜人康熙丁未進士吏部

張英

字敦復桐城人康熙癸卯舉人丁未進士文華殿大學士

廖騰煥

字占石又字蓮山博樂人康熙己酉舉人戶部侍郎

牛奎楮

字滄洲高郵人康熙己酉解元

李光地

字晉卿又字厚菴又稱榕村安溪人康熙庚戌進士文淵

趙申喬

字慎旃又字任松武進人康熙庚戌進士戶部尚書諡恭

陸隴其

初名龍其字稼書平湖人康熙庚戌進士監祭御史贈

韓奕

字元少又字慕瞻長洲人康熙壬子舉人天舉人

陳錫嘏

字介眉又字怡庭鄞縣人康熙乙卯解元丙辰進士翰林

彭定求

字訪廉又字南町長洲人康熙丙辰會元狀元翰林侍講

翁叔元

字寶林又字鐵菴常熟人康熙丙辰進士探花刑部尚書

朱彝尊

字錫鬯又字竹垞秀水人康熙己未詞科翰林檢討

尤

侗字展成又字海菴又爾良翁又爾西堂長洲人康熙己未

金德嘉

字會公又字蔚齋廣濟人康熙壬戌會元翰林檢討

許汝霖

字時菴海甯人康熙壬戌進士禮部尚書

張伯行

字孝先儀封人康熙乙丑進士禮部尚書諡清恪有翻峰

楊名時

字賓實江陰人康熙辛未進士禮部尚書諡文定

陳鵬年

字北溟又字滄州湘潭人康熙辛未進士河道總督諡恪

楊中調

字晚研海甯人雍正子康熙辛未進士

朱

軾字可亭高安人康熙甲戌進士文華殿大學士贈太傅諡

趙

晉字畫三又字一今侯官人康熙癸未進士榜眼有趙榜眼

汪份 字武曹長洲人康熙癸未進士有汪武曹時文明文必自

何焯 字允瞻又字義門長洲人康熙癸未進士庶吉士贈作講

方燦如 字文翰又字樸山淳安人康熙乙酉舉人丙戌進士永濟

何世璠 字樹披新城人康熙甲子舉人已丑進士吏部侍郎直隸

張照 字得天又字天瓶婁縣人康熙己丑進士刑部尚書諡文

徐用錫 字壽堂又字壇長海鹽人康熙己丑進士翰林侍講有徐

方舟 字百川桐城人康熙初諸生有自知集

方苞 字靈皋又字望溪桐城人舟弟康熙己卯解元丙戌進士

李承祺 字鶴君桐城人

蔡世遠 字聞之又字梁村漳浦人康熙己丑進士禮部侍郎贈尚

張廷玉 字衡臣又字研齋桐城人英子康熙庚辰進士保和殿大

劉捷 字月三桐城人康熙辛卯解元

任蘭枝

字香谷又字隨齋溧陽人康熙癸巳進士榜眼刑部尚書

謝道承

字大紹又字古梅侯官人康熙庚子解元辛丑進士內閣

諸在文

字六雅一字禮執又稱中子宜興人康熙戊子舉人辛丑

雍正閒

王步青

字巳山又字漢階又稱罕皆金壇人康熙甲午舉人雍正

王汝驥

字雲衢又稱耘渠金壇人由貢生官通江知縣有案中集

張江

字百川又字曉樓南城人雍正癸卯進士翰林編修有張

周學健

字勿逸又字力堂新建人雍正癸卯進士江南通道總督

任啟運

字翼聖又字鈞亭宜興人雍正癸卯舉人癸丑進士翰林

楊炳

字鄂川又字蔚友鍾祥人雍正癸卯會元狀元翰林院學

王安國

字書臣高郵人雍正甲辰會元榜眼禮部尚書諡文肅

陳宏謀

字汝咨又字榕門桂林人雍正癸卯解元甲辰進士東閣大學士諡文恭有橫塘陳氏一門殊盛

鄭方坤

字則厚又字務鄉建安人雍正丁酉舉人癸卯進士在州知府有鄭務鄉橋三鄭合稿

胡天游

字推風山陰人雍正己酉副榜乾隆丙寅詞科

陳兆崙

字向山又字星齋仁和人雍正庚戌進士太僕寺卿有紫竹山房制義

乾隆間

趙壽葵

字然乙涇縣人乾隆丙辰會元監察御史

秦蕙田

字味經金匱人乾隆丙辰進士探花刑部尚書諡文恭

吳

繼

字玉坡江南人乾隆丙辰舉人

杭世駿

字大宗又字董浦仁和人乾隆丙辰詞科翰林院編修有錢冰集

于敏中

字重裳金壇人乾隆丁巳進士狀元文華殿大學士諡文襄

程景伊

字武進人乾隆己未進士文淵閣大學士諡文恭

袁枚

字子才又字簡齋錢塘人乾隆己未進士江甯知縣有袁太史稿

朱佩蓮

字東江海鹽人乾隆壬戌進士翰林編修

朱士琇

字斐瞻又字梅崖建甯人乾隆甲子解元戊辰進士官知縣改福甯府教授有朱梅崖制義

王炳文

字在中崑山人乾隆初諸生

張甄陶

字揚菴閩縣人乾隆甲子舉人乙丑進士高要知縣有四書翼注論文國朝文範

蔣元益

字希元長洲人乾隆乙丑會元

周振采

字白民淮安人乾隆初諸生有澗白民藏稿

喻世欽

字長沙人乾隆初諸生

林人樾

字侯官人乾隆丁卯舉人

吳鴻

字頤雲錢塘人乾隆丁卯解元辛未進士狀元有吳狀元稿

翁方綱

字正三又字覃溪又博鯨齋大興人乾隆壬申進士內閣學士兼禮部侍郎有復初齋時文

鄭忬

字藝民靖江人乾隆戊辰會元禮部郎中

朱珪

字石君大興人乾隆戊辰進士體仁閣大學士諡文正有樂陀老人制義

馬國果

字無錫人乾隆庚午解元

吉夢熊

字渭崖丹陽人乾隆壬申進士通政使有吉發陽時文

鄒天錦

字芥舟建安人方坤從子乾隆壬申進士連山知縣有齋芥舟稿

趙佑

字鹿泉仁和人乾隆壬申進士有清獻堂稿

田玉

字蔚田無錫人乾隆壬申解元甲戌進士

陸錫熊

字健男又字阜山上海人乾隆辛巳進士副都御史

紀昀

字曉嵐獻縣人乾隆丁卯解元甲戌進士協辦大學士禮部尚書謚文達有房行書精華

周春

字松靄海甯人乾隆甲戌進士岑溪知縣

吳玉綸

字香亭光州人乾隆辛巳進士兵部侍郎有吳香亭稿

孟超然

字朝舉又字瓶菴開縣人乾隆乙卯解元庚辰進士吏部郎中

曹文植

字蕺原歙縣人乾隆庚辰進士戶部尚書謚文敏

吳珏

字井山歙縣人乾隆壬午解元癸未進士內閣中書

江筠 字震滄江蘇人乾隆壬午舉人

林喬蔭 字樵亭侯官人乾隆乙酉舉人江津知縣

林樹蕃 字香海侯官人喬蔭弟乾隆乙酉舉人辛卯進士翰林院編修

邵晉涵 字二雲餘姚人乾隆乙酉舉人辛卯會元

胡應魁 字鶴清丹陽人乾隆辛卯舉人甲辰進士

龔景瀚 字海峰閩縣人乾隆戊子舉人辛卯進士蘭州知府有積石山房四書文

管世銘 字龍山又字緝若陽湖人乾隆甲午舉人戊戌進士有管龍山制義

吳錫麒 字聖徵又字毅人錢塘人乾隆甲午舉人乙未進士國子監祭酒有有正味齋稿

張經邦 字佑賢又字燮軒開縣人乾隆己亥解元己酉進士溧陽知縣

鄭光策 字憲光又字蘇年閩縣人乾隆己亥舉人庚子進士有西霞制義廣稿

汪如洋 字澗民又字雲壑秀水人乾隆丁酉舉人庚子會元狀元

劉青照 字乙資陽湖人乾隆庚子進士

盧陰溥

字霖生又字南石德州人乾隆辛丑進士簡仁閣大學士

曹振鏞

字儷笙歙縣人文植子乾隆辛丑進士武英殿大學士

陳錦

字錢塘人乾隆癸卯解元

張騰蛟

字孟詞甯化人乾隆癸卯解元癸丑貢士有思庭應試文

許作屏

字書山侯官人乾隆癸卯舉人庚戌進士有青陽字制藝

章世繩

字江蘇人乾隆癸卯舉人

阮元

字伯元又字芸臺儀徵人乾隆丙午舉人已酉進士體仁閣大學士

游光縉

字彤甫震浦人乾隆癸卯舉人已酉進士監察御史

侯健融

字耕菴歸安人乾隆甲辰會元

謝淑元

字春洲晉江人乾隆丙午解元癸丑進士翰林院編修有瑞芝草堂文稿

薩玉衡

字慈如又字楹河閩縣人乾隆丙午舉人陝西知縣

洪晨芳

字京植晉江人乾隆丙午舉人

林茂春

字崇遠，又字暢園，侯官人。乾隆丙午舉人，龍溪教諭。有《近文大觀》。

曾奮春

字禹門，侯官人。乾隆丙午舉人，臨安知縣。

朱秉鑑

字詩如，浦城人。乾隆丙午舉人，丁未進士，順甯府教授。有《茹古堂文稿》。

鄭大謨

字青野，侯官人。乾隆戊申舉人，庚戌進士，河南知州。

張師誠

字蘭階，歸安人。乾隆庚戌進士，江蘇巡撫。

萬世美

字濟其，又字虞臣，甌甯人。乾隆戊申舉人，嘉慶辛酉進士，內閣中書。

方鎮

字定遠，霞浦人。乾隆戊申舉人。

汪廷珍

字震菴，山陽人。乾隆己酉進士，協辦大學士，禮部尚書，諡文端。

陳壽祺

字梅修，又字恭甫，閩縣人。乾隆己酉舉人，嘉慶己未進士，翰林院編修。

謝震

字位東，又字甸男，侯官人。乾隆己酉舉人，順昌教諭。

錢楷

字裴山，嘉興人。乾隆己酉會元，安徽巡撫。

朱文翰

字滄淵，歙縣人。乾隆庚戌會元，浙江巡撫。

石錕玉

字取堂吳縣人乾隆庚戌進士狀元山東按察使有石執如制義

葉大觀

字蓮山羅原人乾隆庚戌進士翰林院編修

吳貽詠

字惠蓮桐城人乾隆癸丑會元

英

和字樹琴文字字煦齋湖州人乾隆壬子舉人癸丑進士協辦大學士戶部尚書有恩慶堂制藝

楊惠元

字筱峰閩縣人乾隆甲寅舉人嘉慶辛酉進士泰安知府

黃瓊

字雲岡侯官人乾隆甲寅舉人

莫晉

字錫三又字濟齋會稽人乾隆甲寅舉人乙卯進士榜眼倉場侍郎有來雨軒時文稿

王曩

字仲瞿錢塘人乾隆甲寅舉人

陳鍾麟

字厚甫元和人乾隆甲寅舉人嘉慶己未進士杭嘉湖道有就正草廳雨軒前後集

趙在田

字穀士侯官人乾隆乙卯舉人嘉慶己未進士翰林院編修

郭龍光

字則微又字詔漢福清人乾隆乙卯舉人嘉慶丙辰進士國子監學正

葉申謫

字次慢侯官人乾隆乙卯舉人無錫知縣

應丹詔

字鳳樓又字銘石延平人乾隆丙午舉人乙卯進士

廖英

字佩香侯官人乾隆末諸生

王芑孫

字惕甫又字鐵夫長洲人乾隆甲辰召試舉人華亭教諭有淵雅堂制義

嘉慶開

姚學埭

字晉堂歸安人嘉慶丙辰進士內閣中書有晉堂時文

鄭兼才

字六亭大田人嘉慶戊午解元臺灣教諭

陳廷煥

字采屏侯官人嘉慶戊午舉人乙丑進士興化教授有百尺樓文稿

葉申榮

字莘叻侯官人申壽兄嘉慶戊午舉人壬戌進士

余本敦

字朗山西安人嘉慶己未進士監察御史

馬有章

字倬亭通州人嘉慶辛酉會元內閣中書

吳廷琛

字棣華元和人嘉慶壬子舉人壬戌會元狀元雲南按察使

朱士彥

字詠齋寶應人嘉慶壬戌進士探花吏部尚書謚文定

顧 蕙 字吳羹又字南雅吳縣人嘉慶壬戌進士翰林院侍讀學

張 翹 字陟華浦城人嘉慶辛酉解元

朱秉銘 字絳三浦城人秉鑑弟嘉慶辛酉舉人何雪龍制義

許德樹 字蔭坪閩縣人嘉慶辛酉舉人道光丙戌進士

郭尙先 字蘭石莆田人嘉慶丁卯解元己巳進士大理寺卿

林則徐 字少穆侯官人嘉慶辛未進士雲貴總督

張夢魁 字維北又字暖雲浦城人嘉慶丁卯舉人

陳肇波 字研番又字子淵連江人嘉慶戊辰舉人來賓知縣

萬雲程 字芝林歐甯人世美子嘉慶戊辰舉人

曾秉文 字建堂侯官人嘉慶 舉人

陳繼昌 初名守欽字蓮史臨桂人嘉慶癸酉解元庚辰會元狀元
現官直隸布政使

道光間

吳鍾駿

字崧甫吳縣人道光壬午舉人壬辰進士狀元現官國子監祭酒

林彭年

字壽夫侯官人士葛子道光癸未進士刑部主事

劉建韶

字暉石長樂人道光乙酉舉人乙未進士現官陝西知縣

湯鵬

字海秋益陽人道光癸未進士現官戶部郎中有海秋制

附家集

先大父天池公

諱劬華字執瑩又字天池乾隆閒諸生有書香堂筆記

先伯父叶所公

諱上齋字斯震又字叶所乾隆閒諸生

先資政公

傍名上治改諱贊圖字斯志又字翼齋乾隆戊子舉人甯化教諭有四勿痛隨筆

先三叔父餘慶公

諱上泰字斯明又字岱陽乾隆乙酉舉人餘慶知縣

先四叔父太常公

諱上國字斯儀又字九山乾隆戊子舉人乙未進士太常寺卿有芝音閣雜筆

先伯兄虛白公

傍名功改諱際昂字用中又字虛白乾隆甲寅舉人

先三兄編修公

傍名雷改諱運昌字曼雲又字江田乾隆甲寅舉人嘉慶己未進士翰林院編修

先四兄孝廉公

諱雲銑字剛中又字澤卿乾隆乙卯舉人

十弟蘭笙廣文

名雲鏞字大中又字蘭笙嘉慶己卯舉人南安教諭

大兒吉甫兵部

名逢辰字聿馨又字吉甫道光乙酉舉人辛丑進士兵部員外郎

制義叢訂題名

國家承前代之舊以四書文取士自春秋兩闈內而成均外而學
使及郡縣請試咸以四書文定取舍名曰制藝蓋 朝廷之功分
士林之趨嚮繫焉顧學者不察徒以弋取科名而於制義之盛衰
正變茫昧而莫識其由來則以近代無有如犖虞劉勰其人者深
明流別究極利病纂成一書俾學者探厥指歸也長樂梁氏吾聞
望族累世以科目起家宦鄰先生少稟庭訓卽致力於制義自通
籍以迄出持節鉞政事文章經史著述卓然當代偉人而於制義
亦無一日棄置嘗於暇時輯制藝叢話一書自北宋逮於今茲按
其時代各成卷帙兼以攷證舊聞網羅瑣事翼傳注之遺闕極風
氣之變遷讀者得由此以知人論世雖七百餘年之遠其盛衰正
變一一可辯夫升降洵爲自有制義以來不可少之書也吾聞向
稱文藪前明如蔡介夫周萊峯田鍾台傅錦泉李九我許鍾斗吳

青嶽蘇紫溪諸家各重藝林先生曩輯閩文復古編已備採之茲叢話之作則徧及宇內蒐擇無遺較之宋人詩話中阮閱胡仔諸書世稱取材富而考義詳者殆有過之無不及矣則徐少勉學問功力極淺年未三十卽倖獲科名雖屢奉使衡文自問實未能深造洎膺匱圻之任簿書鞅掌戎馬倥偬文字因緣益疎先生嘗命作序久無以應頃聞先生方游浙東而則徐遠官滇徼相去萬里合并何時因就管見所及書此以報非敢云序也道光己酉春三月館侍侯官林則徐序

古今闕瓌博達之士蓄其聰明才力以其全者施於政事以其餘者散爲著述而著述之中或鑿鑿經史或緝綴掌故或發摛詩文或填述聞見各視其聰明才力學焉而得其性之所近而能兼此數長者古今卒不多覩至於舉子帖括之業鏤闢應試之作則又文章之一端而爲高明亢爽者不屑措意自非聰明才力綽乎有裕必不能以餘事及之而精且詳如此也長樂梁蒞林先生博極羣書大而能貫弱冠卽倡爲實學以詩古文辭雄視壇坫嘆嗜宿儒聞而斂手通籍後馭歷中外垂三十年隸事通敏齷乎如斷故所任皆劇要而神明暇豫不廢稽古綜述所著於經史則有夏小正經傳通釋論孟三國志旁證於小學則有倉頡篇校證於選學則有文選旁證其纂言紀事也則有國朝臣工言行記甯省公餘錄樞垣紀畧其徵文者獻也則有聞詩文鈔三管詩鈔東南嶠

外詩文鈔書畫錄至於詩話楹聯稱謂占驗參稽雅俗題跋隨筆
瑣記叢談雜綴見聞旁羅采獲靡有所遺尤以制義爲 功令所
重學者所當究心蒼萃舊聞勦爲叢話若干卷於虛蒐輯之勤可
謂至矣嘗考古來著述之富南渡之季深甯偁首若升庵若弁州
則勝國之傑也我 朝新城尚書以著作擅名一時而蕭山毛氏
嘉定錢氏皆著書數十萬言之數子者足不履樞要身不膺置寄
優游論撰組以年歲或鑽經史或緝綴掌故或發摛詩文或瑣
述聞見優於彼者或細於此志乎古者或遺乎今專一長以著美
罕兼綜以集成未若先生因羅百氏上下千古提契鉛於簿書之
暇劬筆削於戎馬之間其著述則合衆人之長以成一家之學而
是編則又勦前人所未有獨成一家之言也信所謂仕學兼優者
已先生著述刊布已不下五十種庚戌春敬叔太守核刊是編上

竣乞序於予予於敬叔辱有一日之長嘗接聞先生緒論稔知先生之於著述寢焉饋焉直五十年如一日故爲推闡其致力之勤與夫饌述之富以說來者至是書於制義之源流正變風會升降皆備言之無遺洵乎有神舉業宜家置一編奉爲圭臬矣是爲序
咸豐紀元七夕後學年家子吳鍾駿拜譔